

SIMONIS PISTORII
OPPOLIENSIS SILESII

Epigrammatum

Osternio Decimusquintus.

Magnifico ac Generoso Viro

D. IOHANNI à Biberstein
BLONSKI,
Domino & Mecænati colendo.

adscriptus.



Ad Lectorem.

*Que damus, hæc etiam, si vis, bone perlege Lector
Si libes, ardenti postea trade foco.*

•••••

Magnifico & Generoso Viro
D. IOHANNI BLONSKI,
à Biberstein

Domino & fautori suo.

INter lucubratiunculas meas Theologicas, quibus
I ego maximè delector, Magnifice D. BLONSKI,
subreperunt animo meo quædam etiam Politicas;
quibus effingendis aliquid temporis collocare li-
buit: tum animi gratia, tum contestandæ erga quos-
dam Viros eximios observantiæ causâ. Inter cætera
autem in Insignia quædam, & Icones eorum, quas
mihi videre contigit apud Magnificum Virum D.
ANDREAM GOSLAVIUM, & D. ANDREAM
MOSCOROVIVM, Mecænates meos colendissi-
mos, confeci Epigrammata. Quæ quia quidam ex a-
micis probârunt, quin immò authores mihi fuerunt
eorum divulgandi, ideò non gravatè eorum volun-
tati cessi, typisq; ea, ut vides, commisi. Tibi autem,
Generose D. BLONSKI, dedicanda putavi, utpote
Viro in humanioribus literis non malè instituto,
atque hinc singulari comitate erga omnes bonos,
inprimis autem in honestis artibus versatos, prædi-
to, & quod apud me præcipuum est, mei amantis:
ut ea essent argumento meæ erga D. T. observantiæ
& studii. Accipe igitur ea benigno vultu pro tua be-
nevolentia, non tam munus ipsum, quàm dantis ani-
mum spectans: cui me, meaq; ad omne genus obse-
quii paratissima officia quàm diligentissimè com-
mendo. Salve & vale quam diutissimè.

S. P.

AD

F

Susci

Qu

Non

Ha

Illust

à Tec

steli

Ac

ste

Argu

El

Sen T

For

Asia

Asc

Confi

Pr

Asia

Ap

AD GENEROSVM ET NOBILEM

Virum D. Iohannem Blonscium

B L O N S C I A posteritas, natalibus edite clavis,
 Non parva Aonii gloria, IANE, vadi,
 Qui puer ingenuas didicisti sedulus artes,
 Et vario nosti doctius ore loqui,
 Suscipe non duro tenuissima Carmina vulsu,
 Quæ modò consecrat nostræ Thalia tibi.
 Non donum, B L O N S C I, sed dantis respice mentem;
 Hac quoq; contentos suspicor esse Deos.

In Stemma

Illustrissimæ Gentis OSOLINIORUM, Comitum
 à Teczyn; ad Magnificos fratres Germanos D D. Ca-
 stellanum Sandecen. Succamerarium Sendomiri-
 ensem, & Curia Reg. Pol. thesaurarium.

Acris OSOLINIÆ Gentis vetus Ascia Stemma,
 Stemma per antiquæ nobilitatis honos,
 Arguit insignes Heroas Marte fuisse,
 Eloquio, ingenio, consilioq; graves.
 Seu Patriæ fines tutandi, & bella gerenda,
 Fortior his nemo viridiorq; fuit.
 Ascia transadigit costas, & corpora truncat,
 Ascia cadendis hostibus apta satis.
 Consilium in dubiis seu dandum rebus & artibus,
 Promptior his nemo candidiorq; fuit.
 Ascia præduros discindit acumine nodos,
 Apraq; præfixum tangere missa locum.

Libër

Nec vos degeneres estis dignissima Fratrum
Pectora, præstantes Marte, togaq; Viri!
Pro meritis nunc expletis qui Publica Regni
Munia Sarmatici magna favore Iovis.
Ite per alta Viri, quem fama exæquat Olympo,
Ad Regis laudes, Imperiūq; decus.
Vos majora manent, triga ò clarissima Fratrum,
Virtutis vestra præmia digna brevi.

Ad illustrem & Magnif. D D. IOHANNEM a Zebrzydovvce Zebrzydovvsky, Gladiferum Reg. Pol.
Capitaneum Lanckoronen. &c Cum ei à sacra
Reg. Majestate Capitaneatus N. C. Korczyn offerretur.

Nuncia fama meas postquam pervenit ad aures,
Sarmatici excellens Ensifer Imperii,
Esse favore novis te Regis honoribus auctum,
Ante alios, quorum copia magna fuit,
Ilicet exilio, nec eram, ajo, falsus aruspex,
Hic nostræ Præses Nobilitatis erit.
Præsideas felix, Præses dignissime, amorem
Et tibi cunctorum conciliare stude.
Ad nos fac redeat Cælis Astræa relictis,
Et pax, & rerum copia cuncta fluat.
Te Deus ipse regat, quo num duce & auspice flores,
Atq; tua ad nutus dirigat acta suos.
Vive, vale, ZEBRZIDOVVI, sate gente vetustâ,
Nestoreos Gladifer vive, valeq; dies.

Epigrammatum.

De Gentilitiis Insignibus Debinsiorum Ad Mag.
& Gener. D. FRANCISCUM Debinsky, tunc
tribunalistam.

*Q*ui dedit hos olim Genti Debinsciæ honores,
Flos FRANCISCÆ tuæ, gemmaq; clara Domus,
Affectus domitos, sedataq; pectora, Caesar,
agnovit Stirpis scilicet ille tuæ.

Virgo quid hæc aliud, sanæ nisi mentis imago est?
Affectus *Vrsus* denotat esse feros.

Insidet illa *Vrso*, diras cui comprimit iras;
Sic dia affectus mentis habena domat.

Mente quid utilius? ratione decentius usquam est?

Quid contrà affectu turpius esse potest?

Proterit, atq; instat morienti turbidus *Vrsus*,

Ni sit qui rapidæ comprimat ora feræ:

Sic nisi compestcat motum ratione furorem

Vir demens, iræ nescit habere modum.

Tu regere affectus animo, Franciscæ memento,

Quod facis, erga omnes comis & esse stude.

Proq; Tribunali residens nunc, juris & æqui

Sis memor, Astrææ verus amator Heræ.

Sic antiquorum bene non indignus Avorum

Vives, ac de te fama loquetur anus.

Ad nobilissimum IONAM SCHLICHTINGIUM,
doctrinâ & pietate præstantem, Theologum &
oratorem.

*Q*ui scribit facienda, facit faciendaq; scribens
Et meritiò sapiens, & probus ille *Vir* est.

Liber

*Tu, IONA, præstas utrumq; binc talis haberis,
Scripta catum monstrant te tua, facta bonum.*

Anagramma

VESPASIANI SCHLICHTING.

demptu aspirationibus.

Si vis gusta, nil peccans.

*Q*uot tibi promissum est, SIVIS (non cogitur ullus)
Tu GUSTA summum, Vespasiane, bonum.

NIL PECCANS sacra iussa Dei cole pectore toto
Re si vis illo, Vespasiane, frui.

Ad Mag. & Gen. V. D. Vespasianum à Bukovviec
Schlichting, fautorem suum.

*E*st antiqua domus tua, VESPASIANE, eademq;
Est factis præstans, & numerosa bonis.

*S*unt qui pro Patriâ Marvortia castra sequuntur,
Arma cient forti sanguinolenta manu.

*S*unt qui iudiciis quoq; consiliisq; potentes
Exercent duri publica iura fori.

*S*unt qui consulta rerum miracula fingunt,
Mente sua, faciunt facta stupenda manu.

*S*unt qui doctrinâ pollent, quiq; ore deserto
Eloquioq; suo corda movere queunt.

*Q*ui nôrunt abstrusa sacri mysteria verbi
Victuris tradunt & monumenta typis.

*A*t bona tot vestra versu comprehendere Gentis,
Aut quis tot dotes enumerare queat?

*E*t tu vir non es præclare novissimus omnes
Inter gentiles, VESPASIANE, tuos.

Est

Epigrammatum.

*Est quoq; mens generosa tibi, vigor ingeniiq;
Est tibi iudicium, consiliumq; domi.*

In effigiem nobilis & egregiæ matronæ Sophiae à
Moscorovv Schlichtingæ, fautricis suæ.

*Quæ sit tam vivis depicta coloribus isthæc
Femina, si nescis, dicere parva mora est.*

Nomen ei SOPHIA est bene nota, LACHOVIA proles
Conjux SCHLICHTINGI VESPASIANE tua.

*Depinxit faciem calamus, depingere mores
Non potuit: Vivam respice, nosse potes.*

Ad reverendum V. D. Blasium Politum, Plebanum
Greboszovien. Vicinum & Amicum benevolum.

*CLARE POLITH, bene qui Clariis nutritus in antris
Imparibus nostinectere verba modis.*

*Quiq; meum gracili modulatum Carmen avenâ
Laudas, atq; aliquod pondus habere putas,*

*Hæc quoq; quæ lusi variis de rebus, amanter
Perlege, Patrono daq; legenda tuo.*

*Sic te Phæbus amet, facundi carminis author.
Sintq; novem faciles in tua metra Deæ.*

In effigiem Andr. Dudithii de Horecho: L. B. S. C.
M. consiliarii intimi, & Legati perpetui.

*Hic habitus tibi tunc, hæc ora fuere DUDITHI,
Cum traheres vitæ ter duo lustra tuæ.*

*Et jam diversas à Cæsare missus in aulas,
Summo Legati munere functus eras.*

*Iamq; in consiliis dandis non ultimus auctor
Illius & fueras portio magna Domus.*

Liber

Ergò quid mirum est, quòd sis tùm clarus, in oris
Notus & Eois, notus & Hesperiiis?

Aliud.

Tàm parvâ magnus tabulâ depictus in hac est
Duditibus, bene quem novit uterq; Polus.

In Imaginem nobilissi. fæminæ Elisabethæ Zboro-
viæ, Conjug. Dudit.

Illius ætatis, quâ vixit nobilis isthæc
Matrona, hic cultus tunc habitusq; fuit.

Heu! nostra in luxu tantum se sustulit ætas,
Ut sit valdè impar, dissimilisq; sui.

Quid veteres laudare juvat, si vivere nostris
Moribus, & luxu malumus & vitiis?

Ut verò cultu præstans hæc fæmina simplex,
Sic humilis morum simplicitate fuit.

Itò per exemplum præclarâ stirpe creata;
Si vis extolli te prius Ipsa preme.

Sub Effigiem Mag. & Gen. D. Iohan. Grati Tarno-
vici Capitanei Korczynen.

Et frontem & faciem GRATUS Tarnovius olim
Sic tulit, in Patria quando superstes erat.

En gratum vultum, en pectus super ardua nisum!
Magnanimum possit quale decere ducem.

Hinc Martis decus, & grati tibi nomen honoris
Contigerant, nostro te redamante Iove.

Ad Insignia nobilifs. Gentis Btonsciorum.

IANE Bibersteini, Comitum de Gente propago,
Quos quondam bellax Teutona terra tulit.

Ex bu

Epigrammatum.

Ex his apparet geritis quæ Stemmata Blonsci,
Illustris valido Marte fuisse viros.
Quid corna Cervi tam, LANÆ, rubedine flavum,
Quàm Martis durum significatur opus?
Se velut opponit surgens in cornua Cervus
Hostibus, hoc pugnam robore fesus init.
Sic se Majores, generosis viribus usi,
Pro Patria, armatis opposuere, tui.
Nec vos degeneres animis, & corporis estis
Robore, cum vestra Posteritate, viri.
Aspera pro Patria miscetis prælia Cæli,
Contra Inimicorum spirituale genus.

Ad Magnif. & Gen. D. CHRISTOPHORUM Mor-
stinium, de ipsius munificentia.

Cum sis dives opum, cum sis illustris & ortu,
Es tamen humanus, comis & ingenuus.
Ampla patent cunctis tua fratribus Atria semper,
Quas tibi te meritis demeruisse juvat
Parva loquor! patet & peregrinis omnib. Aula
Nunc tua, quos multo munere sæpè foves
Ardua res hæc est, numis & honoribus auctum,
Talibus ornatum rebus & esse Virum.
Non facit hoc quesitarum profusio rerum,
Sed, quam sectaris, religiosa Fides.

In Imaginem nobilis & reverendi V.D. STANISLAI
LUBENECII.

Patria quem norat bene, quemq̃ Ecclesia CHRISTI
Insignem norat nobilitate Virum,

Hanc barbam, hos habitus, isthæc LUBENECIUS ora
Gesserat, inter nos quando superstes erat.

Hic Aulâ ac Mundo STHEPHANO sub Rege relictis,
Quorum erat à pueris deditus obsequiis,
Detrusâ postquam in puteum caliginis olim,
CHRISTI illustratus cognitione fuit.

Vnâ operam & studium binis cum fratrib. omne
Ad CHRISTI sanctum contulit officium.

Cum quibus eximiâ pietate excelluit, atq;
Rite Ministerii munere functus erat.

Tum vitæ cum sex & septuaginta per annos
Cursum exegisset, funere meritus obit.

Aliud in eandem.

Ista STANISLAUS LUBENECIUS ora gerebat,
Antiquâ Generis nobilitate satius.

Hunc Iuvenem Aula, Virum Mavors, Ecclesia CHRISTI
Precipue grandem vendicat alma sibi.

Ad Mag. & Gen. V. D. Martinum Czaplicium ter-
tiod Sponsum.

Quæ, MARTINE, tibi jam tertia ducitur Vxor,

O Martine, tuæ splendida stella Domus,

Si non exuperat virtutum laude priores,

Fato defunctas, æquat ac illa tamen.

Est prudens mulier, sine quâ iucunda benigno,

Aut grata esse Viro mutua vita nequit.

Est pia, quâ major nec vis est ulla, nec ipsi

Victima propitio gratior ulla Deo.

Est casta, integris & prædita moribus, ulla

Dos quibus utilior, major & esse nequit.

Epigrammatum.

Felix qui tantum cumulum, Martine, bonorum,
Quò remeas, infer in tua recta domus.
Vtere sorte tuâ; qui vos conjunxit amore,
Largiter omnigenis vos beet ille bonis.

In effigiem Mag. & Gen. D. PETRI BLONSCII.
Si faciem videas, hæc gessit BLONSCIUS ora
PETRUS, adumbratus pollice quando fuit.
si mentem spectes, hæc ulli nescia pingi,
Cernitur ex factis exeriurq; suis.

In imaginem Mag. & Gen. D. ADAMI GOSLAVII,
Mecænatis sui colendis.

Pingere qui posset vultus inventus ADAMI est,
Qui posset mentem pingere, nemo fuit.
Scripta representant animum, vultum ista tabella
Nemo alium, sed se pingere quisq; potest.

In tumulum Gen. V. D. Iohan: Glinski à Glinnik.
Quem stirps antiquæ produxit GLINSCIA Gentis,
Hæc recubat molli contumulatus humo.
Nomen ei fuerat (si vis hoc scire) IOANNES,
Inter Germanos gloria prima suos.
Nam fuit ille etiam doctrinæ nomine clarus;
Non tantum Generis nobilitate sui.
Egregii prima ingenii fundamina jecit
In Patria, ætatis flore vigente suæ.
Plurima Regna dein, peregrinas vidit & urbes,
Vnde animi veras accumulavit opes.

Liber

Moribus hinc juvenis fuit exornatus honestis,
 Omnibus ut meritò gratus ubiq; foret.
 Hinc in consiliis dandis non futilis auctor
 Exitit, hinc multis utilis ille fuit.
 Hinc, quod præcipuum est, hoc in discrimine rerum,
 Agnovit veræ Religionis opus.
 Confususq; Deo, CHRISTOq; ; huic cætera vixit,
 Huic pariter vitam clausit agone pio.
 Pone modum lachrymis, NICLAE, ô unice Fater,
 Turba propinquorum tu quoq; pone modum.
 Est extra interitum, quod non mortale gerebat,
 Ut præter cineres nil tegat iste locus.
 Fama Viri manet, ad CHRISTUM quoq; spiritus ipsum,
 Post immortalis conspiciendus, iit.

Ad Iohannem BLONSCIUM.

BLONSCI, de rebus seu, LANE, forensibus, unquam
 Disseris, ingenium est acre, sagaxq; inum.
 Seu de divinis si quando mutua confers
 Verba, est iudicium nobile, LANE, tuum.
 Ergò te Civem (quod rarò contigit ulli)
 Esse utriusq; fori quis neget esse bonum?

Epitaphium Mag. & Gen. D. HIERONYMI MOS-
 COROVII, Viri omnium iudicio præstantis. Me-
 cænatis mei colendis.

DEpositus tumulo jacet hoc HIERONYMUS ille,
 Cui vix nostra parem protulit ora Virum.
 Seu genus inspicias, nihil est antiquius illo;
 Seu vitam, hac posuit sanctius esse nihil.

Sen

Epigrammatum.

Seu dotes spectes animi, præstantius illis
Nil fuit, ipsæ etiam ipse vel invidiâ
Vir priscæ fidei, tum Religionis avite
Cultor præcellens, immò Patronus erat.
Munificus, prudens, observantissimus æqui,
Nec minùs in vera simplicitate bonus.
Idem erat Argivæ madidus Latieq; Minervæ
Artibus; ore potens, eloquioq; gravis.
Deniq; talis erat, qualem mortalibus unum
Millibus è cunctis vix reperire queas.
Publica Res Patriæ, & CHRISTI Respublica tantam
Desse jacturam fluminis imbre tuam.

In Imaginem ejusdem.

Sic oculos, sua sic HIERONYMUS ora gerebat,
Qui genus à priscâ nobilitate tulit.
Quæ potuit solers ea præstitit arte peritâ,
Sed reliqua artificis non potuere manus.
Fama operam præstat, Scriptis doctrina relucet,
Omnibus & Pietas nota per ora volat.

In effigiem Mag. & Gen. D. FRANCISCI Debinsky.

Os, humerosq; gerit tales DENBINSCIUS heros,
Qui de FRANCISCI nomine nomen habet.
Asscis ut candor mixtâ gravitate refulget,
Vt comis facies, ingeniumq; sagax:
Non rarè os animi indicium est; & honesta voluntas
Noscitur ex vultûs schemate sæpè viri.
Qui potes haut aliter, tu nosce ab imagine dotes,
Nos vivis capimur, perfrui murq; bonis.

Liber

Ad Thalamum, D. Alexandri Czaplîc à Szpánovv,
& Dorotheæ Goslaviæ à Bebelno Sponsis
nobilissimis.

*Quisq; suis trahitur votis: huic queritur Vxor,
Quæ sata de veteri sit celebriq; domo.*

*Queritur hæc alii, quæ sit pulcherrima formâ;
Rursum alii, quæ sit divite dote potens.*

*Horum ego non laudem genium: nam corporis ista
Sunt bona longè animi deteriora bonis.*

*Esse satum, est aliquid, fateor, de Gente vetustâ,
Si Virtus adsit, si Pietatis amor.*

*Forma bonum fragile est: & dos absumitur ampla,
Divitiæ pereunt, dilapidantur opes.*

*Virtus dos summa est, omni preciosior auro,
Divitiis Cræsi, divitiisq; Tagi.*

*Nobilius virtute nihil, nil pulchrius illâ;
Externis virtus carior illa bonis.*

*Omnia cum pereant, pereat cum Mundus & ipse,
Interitum Virtus nescit habere suum.*

*Quàm sapias ô! multas inter quæsitâ Puellas,
SPONGE; quod in thalamos it DOROTHEA tuos.*

*Namq; & nobilibus prognata Parentibus illa est;
Et specie præstans, doteq; conspicua.*

*Ac, quod præcipuum est, prudens, bona, casta, pudica
Virgo, Dei metuens, & Pietatis amans.*

*Omnia in hoc insunt haut grandi corpore dona;
Hoc est Virtutum pectore multa seges.*

*Laudis, ALEXANDER Genere & Virtute decore,
Liba pro tali Conjuge Vota Deo.*

Nec mi-

Epigrammatum.

Nec minus & Patrie regio, Matriq; verenda,
Grates pro tali munere pronus age.
Vivite concordēs animæ! vos optimus author
Nexus æternum connubialis amet.
Summe amet, & pulchrâ faciat vos prole Parentes,
Post ambos Astris inferat ille suis.

In tabulam, Magnificum V. D. ANDREAM GO-
SLAVIUM a Bebelno representantem.

Pictus in hac tabula ANDREAS Goslavius ille est,
Quem quicumq; bonus novit, amare solet.
Omnibus humanus, cunctis affabilis, idem
Promptus amicorum semper ad obsequium.
Nil hoc suavius est, nil estq; politius illo,
Non alius debet esse POLONUS Eques.

Ad Insignia Mag. D. IOANNIS BESS. L. B. Mece-
natis sui.

Qui vitam, moresq; tuos perspexit, & ortus,
Edite BESSIA CO sanguine, magne Baro.
Ille tuum quoties laudabile stemma videbit,
O tali, dicet, stemmata digna Viro!
Ut leo magnanimus devinci nescius ulli,
Firmus & est constans in Statione sua
Sic quoq; tu perstas Pietate immotus in ista,
Fontibus è sacris quæ fuit hausta tibi.
Tentatus quoties precibus, pretioq; fuisti,
Nec prece, nec pretio vinceris ipse tamen.
Quin etiam ante alias magis est placabilis ira
Hæc fera, supplicibus nec solet esse ferox.

Libër

At verè vehemens violentos surgit in hostes,
 Vimq; animi magnâ nobilitate probat:
 Sic generosa tuo residens in pectore virtus,
 subjeçtos facili motu, & amore regit.
 Fertur in audentes, iras & concipit, arma
 Vt rapiat justus sæpè coacta dolor.
 Sed quid trunca arbor, ramis defecta, novisq;
 Incipiens foliis luxuriare, docet?
 Vt taceam reliquos ipsâ cum stirpe nepotes,
 Fortune varias qui subière vices,
 Tu miro fueras jactatus turbine rerum,
 Tritaq; militiis est tibi vita diu
 Ac postquam melior tibi fors splendescere capit,
 Tunc quoq; parte tui sæpè resectus eras.
 At nunc post hyemes, tempestatumq; rigorem,
 Blanda tibi viridis tempora Veris eunt.
 Flore arbor, reviresce comis, & palmitis auctu
 Bessiacam juncto cinge Leone Domum.
 Vere fruâre tuo, tibi sit placidissimus annus,
 Eternùm fructu vivat ut illa tuo.

De figura Mag. & Gen. D. ANDRÆ Moscorovii
 à Moscorovv.

Hanc tu qui lustras, spectator amate, tabellam,
 Hæc referat vultum cujus imago rogas?
 ANDREAS talis nunc MOSCOROVIVS Ille est,
 Quem civem novit Patria tota bonum.
 Ars si dona ejus, mentemq; effingere posset,
 Crede mihi, hac nusquam pulchrior ulla foret.

Ad Ger.

Epigrammatum.

Ad Germanos fratres MOSCOROVIOS D. D. An-
dream & Iohan. in stemma eorum longè anti-
quissima.

Quod retrò à multis Gens MOSCOROVIA seclis
stemma, index verè nobilitatis, habet,
Omnia sic inter Magnatum Insignia splendet,
Vt sol inter eos sidera clara micat.

Quid cruce splendidius? per quam lux maxima Mundi
Infernum CHRISTUS vicit & Astra tenet.

Denotat hoc signum Christiani nominis esse
Semper cultricem cum pietate Domum.

Quales penè omnes testantur Scripta fuisse,
Hoc clarum Heroas quos tulit antè Genus.

Quos superasse Patrem vestrum, & par nobile fratrum
Vos quoq; , testamur conscia turba viri.

Cedite vos Aquilæ, vos Vrsi, cedite Gryphes,
Tu quoq; quadrupedum gloria cede Leo!

Grata polo Crux, grata Solo, sine fine corusca,
Et produc semper cùm pietate viros,

Ad Iohannem BRONSIUM.

Cùm legis hæc, BRONSCI, miraris forte; quid, inquis,
Istud? ab ingenio sunt aliena tuo.

Antè tuæ fidei sapiebant dogmata chartæ,
Sed tua nunc homines pagina scripta sapit.

Ipsæ nec inficio; verùm horas lusibus istis
Quid succisivas perdere, IANE, vetat?

Adde, quòd & variis de rebus pagina scripta
Delectat mentes, sensaq; nostra iuvat.

Cumq; Politicus existas, quæ scribimus, ista
Auribus hautquaquam sunt aliena tuis.

Dialogus funebris Mœstis. Parentis Mag. & Gen.
D. FRANCISCI Debinsky, & Petri magnæ spei
Filioli immature defuncti.

P. Nate, mea vires, mea lux, mea vitaq; PETRE,
Idem mors animæ, delictumq; meæ!

Quis mihi te casus, quod Numen ademit iniquum?
Quæ te tam subitæ fata dedere neci?

Heu mihi! te terris tantum ostendere, sat amplis
Ornatum indicis indolis egregiæ.

F. Et me, care Parens, incendere, teq; querelis
Desine, vana tua est ista querela modò.

Nam me non aliquis casus, nec ademit iniquum
Numen: habet finem vita caduca suum.

Fata manent omnes: ab origine terminus ipsa
Pendet; non cui vis contigit esse senem.

P. Eheu! tres nondum complesti parvulus annos,
Dum cadis, & tecum gaudia nostra rapis.

Non secus excito surgit rosa candida Phæbo,
Quæ rursus Phæbo deficiente cadit.

Pars animæ non parva meæ, PETRE blandule, sic ne,
Iam mihi non unquam conspiciendus abis.

F. Quid Genitor cruciare juvat te perpete luctu,
Atq; meæ vita de brevitare queris?

Vixi, & quem dederat cursum Deus ipse peregi;
Nil mihi cum terris amplius; Astra peto.

Quando dies hujus fatalis venerit ævi,
Tunc ego, tuq; mihi conspiciendus eris.

P. Hunc ego te Nate aspicio? tunc illa senectæ,
Et spes, & requies, & medicina meæ?

Epigrammatum.

*Si vita hic aliqua est, te Nate superstitie vixi;
At vix dimidia sum modò parte mei.
O me semianimem tumulo componite Nati,
Vt brevis exangues contegat urna duos!
F. Ne tibi ne Genitor tanti sit causa doloris
Mors mea: nam funus post mihi sanus erit.
Tu prodesse Deo, Patriæ, Regi; , Tuisq;
Cum possis, florens vive, valeq; Pater.
Postea longæva perfunctus munere vitæ
Astrati Cæli Regna beata petas.
P. Heu mihi! ne cumulus desit, numerusq; dolori,
Mortuus es Generis spesq; decusq; mei.
Spes erat ingenti te posteritate beatum
Spes erat egregium te fore Nate virum.
Ast omnis tecum spes jam collapsa recumbit,
Spes jacet hoc uno gloria, tuq; loco.
F. Ecquis erit finis lachrymis? revocabile non est,
Quod semel est mersum funere, care Parens.
Est tibi (sitq; precor) majoris Filius ævi;
Sunt tibi (sintq; precor) Filiolaq; duæ.
Hinc spes hæredes, hinc concipe talia; sed me
Nunc juvat ire, vocant quo mea fata. vale.*

*Vera Commendatio D D. BLONSCIORUM.
Sunt veterum quos commendant Insignia Patrum,
Quos arma, & Martis nobilitavit honos.
Sunt quos commendant fascès, & summa potestas,
Quos inter magnos collocat illa viros.
Sunt & opes quos commendant, & iugera multa,
Fluxaq; fortuna quæ bona Mundus habet.*

Liber

Hoc vos hac inter præstantes omnia **B L O N C I**
 Commendat, vestram condecoratq; **Domum**.
 Illustrare omnem quod quæ nunc incipit **Orbem**
 Lux Evangelii, cognitioq; Dei,
 Vestra animos etiam Gentis perstrinxit, & inter
 Primitias vestram contigit esse domum.
 Quam vestri Patres amplexi, quamq; **Priores**,
 Nil hac duxerunt Religionis prius.
 Quæ neglecta licet jaceat, preciosius usquam
 Attamen hac summus nil habet ipse Deus.
 Nec vos indigni vestris Majoribus estis
 Præclari Generis clara propago viri.
 Cujus noticiam suxistis ab ubere, fratres,
 Hujus vos raptat Religionis amor.
 Se jactent multis alii, vos scilicet uno
 lætate hoc tanto stirps generosa bono.
 Omnia cum pereant, habet immortale brachium,
 Qui colit in vera Religionis Deum.

Anagramma

Ioannes Blonski de Biberstein.
 mutato K in C.

Insors de nectare nobili bibes.

Sors sua quemq; manet, sunt & sua præmia cuiq;
 Pro meritis iusto retribuente Deo.

Insors, & purus sceleris, dignissime Cælo
 Sanctum finis agens nescius ante Deum,

I A N E, bibes, de sede Dei quod manat in ævum,
 Nobile, cum Geniis, nectar & ambrosiam.

Anagramma Nominum Stoiniorum.

Christoforus & Petrus & Ioannes Stojenil.

ô Stans

Epigrammatum.

ph. murando in f.

Ō Stans in Sione, CHRISTI proferet jus; & ovet.
 Vos triga egregii fidissima pectora Fratres,
 Quos Phabi, & Gentis nobilitavit honor.
 O statis nunc Pracones in monte Sicnis,
 Organa propitii sacraq; vasa Dei,
 Quod facitis iussi, vestras attollite voces,
 Ingentis ritu terrificaq; tuba.
 Et CHRISTI jus in medium proferre salubre,
 Commisso vobis invigilando Gregi.
 Qui facit hoc, ovet ille; Dei nam munere talis
 Præmia in axe suo digna labore feret.

In Metamorphosin Polonicam, ad nobilem & do-
 ctiss. V. D. IACOBUM Zebrovvlyky,
 In nova mutatas legissem quando figuras
 Corpora, voce novâ, Sarmaticeq; Stylo.
 Vtrum author, IACOBE, esses ambigere cæpi,
 Vtrum Pelignus Naso Poëta foret.
 Namq; relegatus nostris cum vixit in oris,
 Et Geticæ didicit, Sarmaticeq; loqui.
 Sed quia nunc Opus hoc post plurima secula demum
 Prodiit, authorem suspicor esse Libri.
 Hoc tamen affirmo, redivivum habitare reapse
 In te Nasonem, Sarmaticeq; loqui.
 In te igitur Naso vivit, tu rursus in illo;
 Vivida vos nullo gloria sine manet.
 Immo si verum fas dicere, gloria major
 Est tua, quò prostat longius istud Opus.
 A doctis tantum legitur Naso, idq; Latinis,
 Quos tamen haut multos maximus orbis habet,

Liber Epigrammatum.

Tu vero à doctis pariter rudibusq; legere;
Quà patet Illyricum, Sarmaticumq; solum.
Ad V. doctrina & iudicio gravem, D. Iohannem
Tocarevium Neo Cor. Consulem.

IN vestro dicis qui Consule digna Senatu,
Ex Legum quando Codice jura citas;
Siquis, IANE, fuit furatus tempore longo,
Ille tamen nulli tunc manifestus erat.
Postea conversus multo fur desiit esse
Tempore, vir factus sedulus atq; probus.
Illa tamen posthac liquido tot furta priora
Civibus illius si patefacta forent.
Dic mihi (nam tibi sunt manifesta volumina Legum)
An rectè furti nomine possit agi?
An possit talis damnari jure, deinde
Sævo carnifici tradier, atq; cruci?

Author de se, & sua imagine.
SEPTIMA mî fuit & jam sexagesima messis
Condita, cùm tali schemate pictus eram.
Me tulit Elysium, variis nutritus in oris
In gremium veni terra POLONATUM.
Fungor ubi sacri tradendi munere verbi,
Cujus perfusus cognitione sui.
Quod vitæ reliquum est, ad nostram verte salutem
Illud, & ad laudem, CHRISTE benigne, tuam.

Anagramma nominis Authoris.

Simon Pistorius.

Sis Pium Monitor.

Esse pium me vis monitorem, CHRISTE, (sed ut sim
Tu prius ipse mone, me, pie CHRISTE, precor.

